



Broj: 04-07-2-267-10/11

Datum: 04.07.2012. godine

- Gdin. Vlatko Dugandžić**, pomoćnik ministra za budžet
Ministarstvo finansija i trezora BiH
Trg BiH 1, 71000 Sarajevo
- Gdin. Fuad Kasumović**, zamjenik ministra finansija
Ministarstvo finansija i trezora BiH
Trg BiH 1, 71000 Sarajevo
- Gdin. Samir Bakić**, pomoćnik ministra u sektoru za upravljanje dugom
Federalno ministarstvo finansija
Mehmeda Spahe 5, 71000 Sarajevo
- Gdin. Alija Aljović**, pomoćnik ministra za budžet i javne rashode
Federalno ministarstvo finansija
Mehmeda Spahe 5, 71000 Sarajevo
- Gdin. Osman Osmanović**, direktor
Direkcija za finansije Brčko distrikta BiH
Miroslava Krleže 1, 76100 Brčko distrikt BiH
- Gdin. Nedžad Kurtović**, šef Ureda za kontrolu budžeta - Trezor
Direkcija za finansije Brčko distrikta BiH
Miroslava Krleže 1, 76100 Brčko distrikt BiH
- Gđa Svetlana Radovanović**, načelnik za plan i izvršenje budžeta
Ministarstvo finansija RS
Trg RS 1, 78000 Banja Luka
- Gdin. Božidar Plavljanin**, savjetnik premijera
Vlada Republike Srpske
Trg RS 1, 78000 Banja Luka

Predmet: Poziv na sastanak Nadzornog tima za reformsku oblast Javne finansije

Poštovani,

Zadovoljstvo nam je pozvati Vas na sastanak Nadzornog tima za implementaciju Akcionog plana 1 Strategije reforme javne uprave za oblast Javne finansije.



Sastanak će se održati u utorak **10.07.2012. godine** u Sarajevu, u prostorijama Ureda koordinatora za reformu javne uprave, Vrazova 9, sa početkom u **12:00 sati**.

Za ovaj sastanak predlažemo sljedeći Dnevni red:

1. Usvajanje zapisnika sa sastanka Nadzornog tima održanog 19.04.2012.godine;
2. Usvajanje dokumenta Izvještaj sa testiranja BMIS sistema na pilotskim jedinicama;
3. Razmatranje proširenja projekta BMIS;
4. Dalji koraci na implementaciji projekta BMIS;
5. Studijsko putovanje u okviru projekta BMIS;
6. Razmatranje ispravke tenderske dokumentacije za projekat „Informacioni sistem trezora Brčko distrikta BiH“;
7. Polugodišnji izvještaj o napretku;
8. Rotacija predsjedavajućeg Nadzornog tima;
9. Razno.

Molimo Vas da prisustvo Vas ili Vašeg zamjenika potvrdite na broj telefona: 033-565-762, ili putem e-mail azra.brankovic@parco.gov.ba ili dejan.jovicic@parco.gov.ba

S poštovanjem,

Koordinator za reformu javne uprave
Semih Borovac

Dostavljeno:

1. Naslovu
2. a/a



Broj: 04-07-2-267-9/11
Sarajevo, 19.04.2012. godine

ZAPISNIK
sa sastanka Nadzornog tima za reformsku oblast Javne finansije

Učesnici sastanka:

Ime i prezime	Pozicija	Institucija
Alija Aljović	Zamjenik člana Nadzornog tima	Federalno ministarstvo finansija
Osman Osmanović	Član Nadzornog tima	Direkcija za finansije Brčko distrikta BiH
Nedžad Kurtović	Zamjenik člana Nadzornog tima	Direkcija za finansije Brčko distrikta BiH
Svetlana Radovanović	Predsjedavajuća Nadzornog tima	Ministarstvo finansija RS
Vlatko Dugandžić	Zamjenik člana Nadzornog tima	Ministarstvo finansija i trezora BiH
Azra Branković	Stručni savjetnik za reformu javne uprave – koordinator za Javne finansije	Ured koordinatora za reformu javne uprave
Ivan Dragošan	Vođa projekta BMIS ispred konzorcija	Konzorcij SRC systemske integracije d.o.o. Srbija, SRC d.o.o. Slovenija i AvaCom Group d.o.o
Dejan Jovičić	Stručni saradnik za reformsku oblast Javne finansije	Ured koordinatora za reformu javne uprave

Lokacija i vrijeme sastanka: Sastanak je održan u prostorijama Ureda koordinatora za RJU u Sarajevu, u četvrtak **19.04.2012. godine**. Sastanak je počeo u 11:00 sati, a završio u 13:00 sati.



Predloženi Dnevni red sastanka:

1. Usvajanje zapisnika sa sastanka Nadzornog tima održanog 23.12.2011.godine;
2. Usvajanje zapisnika sa tematskog sastanka Nadzornog tima održanog 06.04.2012. godine;
3. Razmatranje prvog periodičnog izvještaja za projekat BMIS sa priložima;
4. Raspodjela Licenci;
5. Razmatranje proširenja projekta BMIS;
6. Studijsko putovanje u okviru projekta BMIS;
7. Razno.

Na početku sastanka prisutne je pozdravila gđa Svetlana Radovanović, predsjedavajuća Nadzornog tima za reformsku oblast Javne finansije, konstatovala prisustvo članova Nadzornog tima, te predložila usvajanje dnevnog reda. Dnevni red je jednoglasno usvojen.

Prva tačka dnevnog reda:

S obzirom da nije bilo komentara na zapisnik sa prošlog sastanka Nadzornog tima održanog 23.12.2011. godine, isti je usvojen jednoglasno. Gdin Dugandžić je tražio da Ureda koordinatora za RJU kao nosilac aktivnosti BMIS projekta pripremi sveobuhvatnu informaciju za Savjet Ministara čiji će sadržaj biti dosadašnje aktivnosti, preostale aktivnosti, rokovi, finansijski aspekt, kao i upoznavanje sa članovima i traženje verifikacije za sve članove Nadzornog i Implementacionog tima te u sklopu ove informacije pripremiti i zahtjev za naknade.

Zaključak:

Usvaja se zapisnik sa prošlog sastanka Nadzornog tima održanog 23.12.2011. godine. Zadužuje se Ured koordinatora za RJU da, za Savjet ministara, pripremi sveobuhvatnu informaciju o projektu BMIS, u kojoj bi tražili verifikaciju članova Implementacionog i Nadzornog tima kao i da pripremi zahtjev za naknade za rad u istim.

Druga tačka dnevnog reda:

Gdin Kurtović je istakao primjedbu na zapisnik sa tematskog sastanka Nadzornog tima, a tiče se dijela koji se odnosi na specifikaciju hardvera koji je komentarisao, tj da treba u zapisnik unijeti opširnije ono o čemu je komentarisao. Gdin Dugandžić je istakao da zapisnik treba praviti u formi zaključaka i da se na svakom narednom sastanku prođe kroz zaključke sa prethodnog sastanka kako bi se vidjelo šta je realizovano a šta nije, s čim su se složili i ostali članovi Nadzornog tima. Svi su se složili da zapisnik sa sastanka NT treba poslati članovima NT na komentare odmah nakon što bude urađen, kako bi komentari bili unijeti u zapisnik prije narednog sastanka a sa ciljem da bi sastanci NT bili efikasniji.

Zaključak:

Usvaja se zapisnik sa Tematskog sastanka Nadzornog tima održanog 06.04.2012. godine sa uvažanim komentarima gđina Kurtovića. Ubuduće Zapisnik sa sastanka Nadzornog tima treba raditi u formi zaključaka. Zapisnik sa sastanka Nadzornog tima slati odmah nakon što bude urađen kako bi članovi NT dali komentare na isti prije narednog sastanka.

Treća tačka dnevnog reda:

Gdin Kurtović je dao primjedbu na Prvi periodični izvještaj u smislu da u izvještaju nije navedeno šta su radili Nadzorni i Implementacioni tim (broj posjeta, prisutni na sastancima, itd). Gdin Dragošan je objasnio da je izvještaj pripreman po smjernicama koje su dobili od Ureda

koordinatora i dodao da je svaka posjeta Implementatora projekta svim upravnim nivoima dokumentovana u obliku zapisnika.

Zaključak:

Obavezuje se Ured koordinatora da članovima Nadzornog tima dostavi informaciju šta je sve do sada rađeno na Implementacionim i Nadzornim timovima, tj hronologiju događaja .

Četvrta tačka dnevnog reda:

Gđa Branković je istakla da je potrebno raspodeliti 300 isporučenih licenci za BMIS softver. Implementator je izvršio isporuku licenci BMIS softvera za 300 korisnika, čime su korisnici: Ministarstvo finansija i trezora BiH, Federalno ministarstvo finansija BiH, Ministarstvo finansija Republike Srpske i Direkcija za finansije Brčko distrikta, stekli potrebna prava za instalaciju i vremenski neograničenu upotrebu BMIS softvera. Članovima Nadzornog tima je podijeljena kopija certifikata za 300 licenci. Implementacioni i Nadzorni tim je izvršio i usvojio sledeću raspodelu isporučenih 300 licenci BMIS softvera:

- Ministarstvo finansija i trezora BiH: (78 licenci BMIS softvera)
- Federalno ministarstvo finansija BiH: (66 licenci BMIS softvera)
- Ministarstvo finansija Republike Srpske: (126 licenci BMIS softvera)
- Direkcija za finansije Brčko distrikta BiH: (30 licenci BMIS softvera)

Zaključak:

Raspoređene su korisničke licence BMIS softvera i to: Republika Srpska - 126 licenci, Državni nivo BiH - 78 licenci, Federacija BiH - 66 licenci i Brčko distrikt BiH - 30 licenci.

Peta tačka dnevnog reda:

U vezi sa proširenjem projekta BMIS, gđa Branković je istakla da su članovi UO PAR fonda zatražili dodatno pojašnjenje o potrebi kupovine dodatnih licenci, kao i softverskog modula za planiranje plata. Gđa Branković je zamolila članove Nadzornog tima da poboljšaju komunikaciju sa članovima UO, jer na zadnjem sastanku UO PAR koordinatori nisu bili upoznati sa zahtjevom ministarstava finansija za proširenjem projekta BMIS.

U vezi sa zahtjevom sa državnog nivoa da se izvrši proširenje flex polja postojećeg informacionog sistema za finansijsko upravljanje (ISFU) na državnom nivou, kao proširenje projekta BMIS, čija bi vrijednost iznosila 300 000 KM, gđa Branković je istakla da to nije moguće uraditi kao proširenje projekta BMIS, ali da je moguće da član Nadzornog tima sa državnog nivoa to kandiduje kao novi projekat, jer je u skladu sa RAP1.

Zaključak:

Članovi Nadzornog i Implementacionog tima treba da razmotre i dostave zahtjev za potrebama novih licenci BMIS softvera i dodatnog softverskog modula za planiranje plata uz detaljno obrazloženje.

Šesta tačka dnevnog reda:

Gđa Radovanović je istakla da bi studijsko putovanje trebalo da bude organizovano negdje gdje se primjenjuje isti informacioni sistem. Gdin Dragošan je obavijestio prisutne da je prijedlog Slovenija iz razloga što bi se tamo mogao organizovati pristup do korisnika koji koriste informacioni sistem kao što je BMIS.

Zaključak:

Dogovoreno je da se na studijsko putovanje ide u Sloveniju, početkom mjeseca juna 2012. godine i da sa svakog nivo na studijsko putovanje ide najviše 5 (pet) osoba.

Sedma tačka dnevnog reda:

Gdin Osmanović je tražio da se na slijedećem sastanku Nadzornog tima, kao jedna od tačaka stavi razmatranje tenderske dokumentacije za projekt „Informacioni sistem trezora Brčko Distrikta“.

Na kraju sastanka gđin Aljović se zahvalio prisutnim članovima Nadzornog tima na dolasku na sastanak i njihovom konstruktivnom radu i zaključio sastanak.

Zapisnik vodio:

Dejan Jovičić

Stručni saradnik za reformsku oblast Javne finansije

Zapisnik odobrila:

Azra Branković

Stručna savjetnica za reformsku oblast Javne finansije